

DR JUNG STAINLEMER



In därem Ussgoob:

Begriessig	2
Siigerfotti	3
Invterview	4
Ranglische	6
Rätselegge	9
Ydrügg vom Intärne	10
Brichtli vom Intärne	15
Ussbligg	16

Begriessig:

Sali zämmel!

Do händ ihr die letschi Ussgoob vom Junge Stainlemer kuum zem Briefkaschte uuseghoort, do liggt die naggtschi au scho dinne. Worum das eso isch? Klar, es goot nur no zwei Wuche bis zur Fasnacht.

Well sich syt em Erschyyne vo dr letschten Ussgoob näben em inoffizielle Bryysdrummlen- und pfyffe nid allzue vyyl doo het, gohts in däm Junge Stainlemer vor allem um das Event. Und so hämmer für euch näben eme Interview mit em Siiger vo dr Pfyfferkonkurränz vo de Junge au ganz e huffe Bilder vo däm glatten Oobe und vo däne vyyle stargge Rahmestüggli. Zu däm glungene Rahmeprogramm hän vor allem au Ihr mit zahlryche guete Uffdritt byydrat. An däre Stell e ganz e grosses Danggschön an alli, wo in irgendere Form mitmacht hän.

Nochdäm s intärne Bryydrummlen- und pfyffe verbyy isch, stoht jetzt ändgültig d Fasnacht vor dr Düüre. D Vorfreud isch riisig, die letschte Vorbereitige laufen uf Hochduuren, und d Drummelschleegel und Piccolo lauffe nomol heiss vor luter iebe (damit me an dr Fasnacht au alli Märsch usswändig ka)! In däm Sinn wünsche mir euch jetzt scho e super geili Fasnacht 2008 und vorhär no vyyl Spass bim lääse vo dr erschte Ussgoob vom Junge Stainlemer in däm Jahr!

Dom & Niggi

Do d Gwünner vom Intärne:

Binggis Tamboure



1. Cederic Lüssi
2. Yannick Germain
3. David Dups

Jungi Garde Tamboure



1. Philipp Löffel
2. Max Felder
3. Diego De Marco

Jungi Garde Pfyffer



1. Remo Wittlin
2. Raphi Vecchi
3. Joshua Ruchti

Binggis Pfyffer



1. Yannik Steiner
2. Timo Eberhardt
3. Ali Fistik

Interview mitem Pfyfferkönig Remo Wittlin

Also Remo zerscht emol guets Neus und mer möchte dir nomol gratuliere zu dim Tripel! Noch däm s planti Interview mit em Präsi vo de Fääläberli als Sieger vom Kürdeil nid het könne stattfinde, hän mir nach eme mindschdens ebewürdige Kandidat gsuecht. Natürlich simmer uns schnell einig gsi, dass do nur du in Froog kämsch.

Also bisch baraat? Und los...

- **Wie füült me sich so wenn me Pfyfferkönig worde isch?**

Eigentlich ganz normal, isch kei grossi Umstellig. Trostdäm e schöni Sach.

- **Di Erfolg kurz vor Wiehnacht isch jo wirklich schpeziell gsi, du hesch dr Däller zum dritte mol hinterenand dörfe mithei nä und jez kaschen sogar bhalte. Kennsch öbber wo dir das scho vorgmacht het?**

Nei i kenn definitiv niemert. (Sisch au scho e wyli Här, dr Herr Andreas Müller het das z letscht erreicht.)

- **Was aber au nid alljährig isch, isch d Daatsach, dass de grad 2 mol König worde bisch im 2007! Das wird aso schwierig für dr neggscht Herusforderer, Isches für di e Vor- oder e Nochteil gsi, das frieh Intärne?**

Schad, dass ufem Däller 2 mol 2007 stoot aber sunscht isches kei grosse Nochteil gsi. D Vorbereitigszyt isch kli kürzer gsi.

- **Was meinsch zu dr ganze Form vo däm Alass? Azahl Zueschauer, Kürdeil... hesch do no Verbesserigsvorschleeg?**

Geili Organisation gsi, speziell dr Kürdeil isch guet gsi. Isch im momänt ok in däre Form. Fallt mer nüt y wo me verbessere könnt.

- So und jetzt wieder wäg vom Intärne, jetzt kunnt jo bald d Fasnacht. Bisch in Sache Stimmig scho uf d Fasnacht vorbereitet oder bisch d Wiehnachtsguzzi no am verdaue?

I bi scho voll baraat für d fasnacht, isch nüt speziells für mi, dass d Fasnacht so frieh isch das Joor. D Wartezyt isch drfür kürzer.

- Du machsch jo au nüm soo lang Fasnacht bi de Junge, was kasch du dine jüngere Kollege empfähle für d Fasnacht? Für s Yebe?

Vyyyl iebe, anderi Pfyffer fünd Fasnacht begeischtere, Koschtym barat ha, evtl. s Laufe iebe

- Wenn seht me di wieder am offizielle? Also jetzt bi de alte?

Wenni gnueg guet vorbereitet bi und biz meh Zyt ha zum iebe. Mit dr Lehr wird's ame kli vyyl. Aber i schliessess nid us...

Merci vyylmol. Mer wünsche dir e erfolgrychi Fasnachtvorbereitig und natürlig au e schöni Fasnacht

Wünschi euch au, merci



Rangliste vom offizielle Deil:

Pfyffer Jungi Garde				
Rang	Start Nr.	Vorname	Nachname	Punkte
1	3	Remo	Wittlin	37,9
2	8	Raphi	Vecchi	32,9
3	10	Joshua	Ruchti	32,1
4	7	Joël	Mahr	31,3
5	9	Luca	Piazzalonga	30,0
6	5	Sandro	Vecchi	29,6
7	4	Lukas	Ganz	29,2
8	1	Severin	Wiedmer	28,8
9	2	Damian	Lenzin	24,3
10	6	Remigius	Sauter	23,3

Tamboure Jungi Garde				
Rang	Start Nr.	Vorname	Nachname	Punkte
1	12	Philipp	Löffel	21,4
2	11	Max	Felder	20,3
3	2	Diego	De Marco	18,0
4	13	Fabian	Widmer	15,7
5	6	Cem	Bünül	15,4
6	3	Ralph	Tschopp	14,8
7	7	Emanuel	Marsicovetere	12,7
8	14	Lucas	Mesmer	12,4
9	15	Michel	Bischof	10,9
10	16	Tobias	Müller	10,0
11	8	Dominic	Gütlin	8,2
12	4	Fabian	Hengge	7,7
12	1	Togay	Erbay	7,7
14	9	Jerome	Fivaz	7,5
14	10	Dario	Sailer	7,5

Tamboure Binggis				
Rang	Start Nr.	Vorname	Nachname	Punkte
1	1	Cederic	Lüssi	15,6
2	7	Yannick	Germain	15,2
3	8	David	Dups	13,2
4	4	Cedric	Optiz	12,2
5	3	Yannick	Strub	11,1
6	9	Brian	Bochhoven	9,5
7	2	Dylan	Fontana	7,5
8	10	Pablo	Krug	7,0
9	6	Dominique	Maritz	6,3
10	5	Kei	Degen	-/--

Pfyffer Binggis				
Rang	Start Nr.	Vorname	Nachname	Punkte
1	3	Yannik	Steiner	25,8
2	1	Timo	Eberhardt	22,9
3	2	Ali	Fistik	22,3

Rätselegge:

Findsch die 5 Fähler im untere Bild:



D Lösig findsch uf Sytte 15

No e baar Ydrügg:





No e baar Ydrügg:



Dr Kүүrdeil:



No e baar Ydrügg:



S Intärne:

Au das Jahr wider (oder nomol) hän alli Pfyffer und Dambuure vo dä Binggis und dr Junge Garde während em offizielle Deil ihr Köne unter Bewyys gstellt. Ellai d Datsach ass me dört oobe ganz ellai uf däre grosse Bühni stoht und das erscht no vor so vyyl Lüt, verdient grosse Respäggt. Und dodrmit ka sich e jede ass glaine Siiger fühle. Aber z alleroberscht hets au das Jahr nur für zwei Binggis und zwei Junggardische blatz gha. Härzligi Gratulation an däre Stell an d Siiger vom Intärne 2007 (oder 2008): Remo, Philipp, Cederic und Yannik! Noch em offizielle Deil vom intärne Bryysdrummlen- und pfyffe isch denn s lang erwarteti Rahmeprogramm ko, wo das Jahr bsunders guet gsi isch (s Intärne isch das Joor jo glyychzytig au no e Wiehnachtsparty und Glyggegeburtsdaagsfescht gsi).

Z allererscht emol het sich eure Vorstand em (vyyl z liebe?) Santiglaus miesse stelle, und dr eint oder ander het mit eme fräche Santiglauseväs für allgemeini Erheiterig unter em Publikum gsorgt. Denn isch mit „Top Secret“ en erschts Highlight über d Bühni. E fantastische Uffdritt wo nid nur musikalisch sondern au optisch mehr als überzügt het. Was „Top Secret“ könne, könne mir scho lang, hän sich wohrschuldig die Junge Tambuure dänggt und hän im Dungle mit grien lüüchtende Drummelschleegel für e rasante Uffdritt gsorgt, wo ebefalls begeischeret het. Die Junge Pfyffer hän d Ängländer biz ufd Schippi gnoo, do si jo d Fuessball-EM am Färnseh verfolge könne. Rockig isch es worde, wo d Stainemite „on stage“ ko sin. Si hän ihri neuschte Single live zem beschte gäh und sicher e paar neu Fäns (und villicht au groupies?) drzue gwunne. E wyters Highlight sin d Uffdritt vo de verschiidene Sektione vo de „Färläüberli“ gsi (Eigelob stinggt meine an däre Stell d Redaggtore, wo me Verbindige zue däre Grubbierig nocheseit)!

Alles in allem isch es e grandioses Rahmeprogramm gsi und mr hoffe, ass es näggscht Jahr genauso oder sogar no besser wird.

Lösig vom Rätsel:

1. s Natel in dr Hand 2. s Muusloch 3. s Zeiche uferm Pulli rächts
4. dr Kopf vo dr Figur rächts 5. s Staine-Logo uferm Täller

Ussbligg:

Jä guet, jetzt blibt uns nüm allzu vyyl z saage... ah doch!!! Und zwar isch in öbbe 2 Wuche scho Morgestraich und bis dört mien no e Huffe Sache erledigt wärde.

Do wä z aller erscht e mol 3 Marschiebige. Die erscht am **20. Januar** (scho verby), die 2. am **27. Januar** (au scho verby) in dr Hard. Die 3. findet denn am **9. Februar** in dr Grien 80, Träffpunggt isch bim Ykaufszentrum im Joggeli.

D Koschtym bekömet iir am **31.1.2008** im Cliquekäller.

Am **3. Februar** isch d Allschwiler-Fasnacht. Das isch scho mol e grossi Hauptproob, wo au koschtymiert gässlet wird.

So und denn stoot dr Fasnacht 2008 nüt me im wäg. Am Sunntig **10. Februar** isch d Laternevernissage wo's denn zu Wysswyy (oder Orange-saft) und Faschtewaie zum erschte mol d Laterne z gsee git. Und denn kunnt scho dr Morgestraich. Am 4i goot d Staine in dr Staine ufd Gass. Am **2. März** isch denn dr Bummel vo de Junge, de Binggis und dr Alte Garde.

Gnauers könnet er em Schrybe entnä wo der scho beko händ. Mer wünsche euch uff all Fäll e schöni, unvergässligi Fasnacht und hoffe, dass dr Petrus au das Joor e Basler isch.

Also jetzt gilts ärnscht, iebet no flissig und kömmet motiviert and Marschiebige.

Mer seen uns uff dr Gass

Dom&Niggi